

Serbski institut Sorbisches Institut

Medijowe wozjewjenje 30. Juni 2020

15. julija 2020, 17.00 hodź. – apero na zahrodže

„Demokratie – Eine gefährdete Lebensform“ – předstajenje knihi a debata

Till van Rahden a Lutz Rathenow w rozmołwje z Rolandom Löfflerom

Demokratija njeje samozrozumliwa. Zo bychmy dodnili, što ju wohrožuje, što ju sylni, što wona wot kóždoho jednotliwca a kóždeje jednotliwče trjeba, přepróšuje Serbski institut zhromadnje ze Sakskej krajnej centralu za politiske kubłanje srjedu, dnja 15. julija, w 17 hodź. na čitanje z diskusiju, kiž so na zahrodže Marianny Britze na Dwórnišćowej 6 w Budyšinje wotměje.

Lutz Rathenow, něhdyši wojowar NDR za byrgarske prawa a džensniši Sakski krajny społnomócnjeny za předžěłanje diktatury SED, a prof. dr. Till van Rahden budžetaj na tutym podwječoru diskutować. Till van Rahden předstaji swoju 2019 wuštu knihu „Demokratie – Eine gefährdete Lebensform“. Zastupuje tezu, zo dyrbi so tuta forma knjejstwa jako forma žiwjenja zwoprawdźić. Chcedža-li byrgarki a byrgarjo wjace być hač njelepi demokraća, tak měni w Montréalu wučacy němski historikar, dyrbjeli formy wobchada hajić, kotrež kulturu rozestajenja sylnja a zjawne rupy wutwarjeja, hdžež je wšědny dzeń dožiwjenje runosće kaž tež swobody a nawuknjenje demokratiskich počinkow móžne. Zhromadnje z nim dodnja Lutz Rathenow mentalne dźědžinstwo NDR a ZRN do zjednoćenja Němskeje. Rathenow, jedyn z wodžacych disidentow w NDR, towaršnostne wuwica we wuchodnej, zapadnej a cyłej Němskej hižo pjeć lětdžesatkow přewodža. Rozmołwu moderuje Roland Löffler, direktor Sakskeje krajneje centrale za politiske kubłanje.

Demokratiju jako formu žiwjenja? Diskutujće z nami wo našich formach wobchada – wšědny dzeń, w swójbje, wědomosći abo politice!

podij:

Till van Rahden je nawoda Canada Research Chair in German and European Studies na Université de Montréal a tuchwilu hóstny wědomostnik w Serbskim instituće.

Lutz Rathenow je spisowaćel a Sakski krajny społnomócnjeny za předžěłanje diktatury SED.

Roland Löffler je direktor Sakskeje krajneje centrale za politiske kubłanje, Drježdžany.

witanje: Susanne Hozyna, naměstnica direktora Serbskeho instituta, Budyšin

přizjewjenje:

Korona-pandemije dla je přizjewjenje pod si@serbski-institut.de trěbne.

Zdobom wo to prosymy, zo **předpisy za hygienu po Sakskim wukazu nastupajo koronu z dnja 25.06.2020** na zarjadowanju wobkedžbujće.

Poplatka za wobdželenje njebudže.

Kooperaciski partner: [Sächsischen Landeszentrale für politische Bildung](http://www.sla-bildung.de) (SLpB)



Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de

The logo features a stylized blue graphic of an open book with a hand holding a pen above it. Below the graphic, the text 'Serbski Sorbisches Institut Institut' is written in a blue sans-serif font.

**Serbski Sorbisches
institut Institut**